

Ներթափան «Նշանակալից» հանդիպումը

Հայաստանի արտգործնախարար Էդվարդ Նալբանդյանի հանդիպումը արքեպեջանցի իր պաշտոնակից Էլմար Մամեդյարովի հետ կարելու իրադարձությունն է։ Այդ հանդիպումն ինքնին նշանակալից է թեկուզ այն հանգամանքով, որ դրան առաջին անգամ մասնակցում է Հայաստանի նորակազմ համարվող կառավարության նորանշանակ արտգործնախարարը։ Ձեւականորեն սա կարող է նշանակել, որ երկար ընդմիջումից հետո հակամարտող կողմերի արտգործնախարարների միջեւ վերջապես տեղի ունեցած կենդանի շփման ժամանակ կարող են վեր հանվել ու քննարկվել թարմ գաղափարներ եւ մոտեցումներ։ Գոնե Արեւմուտքում հենց այդպես է ընկալվում որեւէ երկրի արտգործնախարարի փոփոխությունը։ Հանգամանք, ինչը, եւրոպական տրամաբանությամբ, պետք է նշանավորի արտաքին քաղաքական մոտեցումների որոշակի փոփոխություններ։ Այդ ամենով հանդերձ, ստիպված ենք արձանագրել, որ Նալբանդյանի եւ Մամեդյարովի միջեւ կայացած ստրասբուրգյան հանդիպման կարելուությունը միանգամայն թվացյալ է, եւ այն, առանց դույզն-ինչ տատանվելու, կարելի է դասել Օսկանյան-Մամեդյարով ձեւաչափով նախկինում կայացած տասնյակ անպտուղ հանդիպումների շարքը։

Այլ կերպ չէր էլ կարող լինել, քանի որ Հայաստանի արտաքին գերատեսչության մի ղեկավարի փոխարինումը մյուսով, տվյալ պարագայում, արտաքին քաղաքականության ինչ-ինչ վերանայումների արդյունք է, այլ ընդամենը պարզ՝ մեխանիկական գործողություն։ Նախարար Օսկանյանի փոխարինումը նախարար Նալբանդյանով դարաբաղյան հակամարտության համատեքստում նույն արժեքն ունի, ինչ նախագահ Զոհարյանի փոխարինումը նախագահ Սարգսյանով։ Այն, որ ընդհանրապես Հայաստանի արտաքին ուղեգծի պահպանման եւ, մասնավորապես, դարաբաղյան հակամարտության կարգավորման հարցերում ՀՀ նոր իշխանությունները հարազատ են մնալու նախկին նախագահի սկզբունքներին, մեկ անգամ էլ, որ հնչեցվել է Սերժ Սարգսյանի կողմից։ Ինչ վերաբերում է Ադրբեջանին, ապա մեծ համոզվածությամբ կարելի է պնդել, որ Ադրբեջանի «դարաբաղյան» վարքագիծը եւս որեւէ փոփոխության չի ենթարկվի առնվազն առաջիկա տասնամյակի ընթացքում, թեկուզեւ այդ ժամանակահատվածում տասը արտգործնախարար փոխվի։

Հետեւաբար, Լեռնային Ղարաբաղի խնդրի խաղաղ կարգավորման ոլորտում առաջիկայում սպասվող հաջորդ «կարելու իրադարձության» դերին, լավագույն դեպքում, կարող է հավակնել նախագահներ Սերժ Սարգսյանի եւ Իլհամ Ալիևի միջեւ կայանալիք հանդիպումը։ Այդ իրադարձության նշանակալից լինելը, սակայն, ինչպես եւ վերը բերված դեպքում, կսկսվի ու կավարտվի ընդամենը դրա մասնակիցների կազմի պարզ փոփոխության հանգամանքով։ Նման հանդիպման հնարավորության մասին, ի դեպ, Ստրասբուրգում Էդ. Նալբանդյանի հետ ունեցած զրույցից հետո լրագրողներին ասել է Է. Մամեդյարովը։ Նա, մասնավորապես, նշել է, թե իրենց քննարկած տարբերակներից մեկով Սերժ Սարգսյանի եւ Իլհամ Ալիևի առաջին հանդիպումը կարող է կայանալ ընթացիկ տարվա հունիսին Սանկտ-Պետերբուրգում անցկացվելիք տնտեսական համաժողովի օրերին։